

## **Informacija o primanjima izabranih dužnosnika u Skupštini Tuzlanskog kantona**

Plaće i naknade izabranih dužnosnika u Skupštini Tuzlanskog kantona regulisane su Zakonom o plaćama i nakanadama izabranih dužnosnika, nosilaca izvršnih funkcija i savjetnika u organima vlasti Tuzlanskog kantona koji je objavljen u „Službenim novinama Tuzlanskog kantona“ broj: 11/15.

Navedenim Zakonom, u članu 9., utvrđeni su platni razredi i koeficijenti za obračun plata, a članom 4. je propisano da Administrativna komisija Skupštine Tuzlanskog kantona propisuje osnovicu za obračun plaće, koja je ista kao i za sve zaposlene kod budžetskih korisnika (380,25 KM).

Članom 7. navedenog zakona je propisano da izabrani dužnosnici u profesionalnom statusu imaju pravo na poslanički paušal koji ne može biti veći od tri osnovice, a izabrani dužnosnici koji nisu u profesionalnom statusu imaju pravo na poslanički paušal koji ne može biti veći od četiri osnovice za obračun plate.

Pravo na jednu mjesečnu naknadu u visini jedne osnovice bez obzira na broj održanih sjednica imaju članovi Kolegija Skupštine TK, izuzev predsjednika Skupštine i zamjenika predsjednika u profesionalnom statusu.

Izabrani dužnosnici u profesionalnom statusu imaju pravo na naknadu za topli obrok u iznosu od 8 KM po izrađenom danu i naknadu za prevoz u visini mjesečne autobusne karte gradskog / međugradskog saobraćaja.

Osim navedenih, izabrani dužnosnici ne ostvaruju prava na nadoknadu za bilo koje druge materijalne troškove niti imaju bilo koja druga primanja na osnovu angažmana u Skupštini Tuzlanskog kantona.

Tabelarni prikaz:

### **Plate:**

| <b>pozicija</b>  | <b>Način obračuna</b>  | <b>Iznos u KM</b> |
|--|--|-------------------|
| <b>Predsjednik Skupštine</b>                                 | <b>Koeficijent 8,50 x 380,25<br/>(osnovica) bez minulog rada</b> | <b>3.232,12</b>   |
| <b>Poslanik u Skupštini TK koji ima profesionalni status</b> | <b>Koeficijent 3,40 x 380,25<br/>(osnovica) bez minulog rada</b> | <b>1.292,85</b>   |

## Naknade:

| <b>pozicija</b>  | <b>paušal</b>   | <b>Iznos u KM</b>                           |
|--|---|---|
| <b>Predsjednik Skupštine</b>   | <b>osnovica 380,25 x 3</b>  | <b>1.140,75</b>                             |
| <b>Zamjenik predsjednika Skupštine TK (koji nema profesionalni status)</b>   | <b>osnovica 380,25 x 4; i naknada za rad u Kolegiju jedna osnovica (380,25) mjesečno bez obzira na broj održanih sjednica</b> | 1.521,00<br>+<br>380,25=<br><b>1.901,25</b> |
| <b>Poslanik u Skupštini TK koji ima profesionalni status</b>   | <b>Osnovica 380,25 x 3</b>  | <b>1.140,75</b>                             |
| <b>Članovi Kolegija Skupštine TK (osim predsjednika Skupštine i zamjenika predsjednika u profesionalnom statusu)</b> | <b>Naknada za rad u Kolegiju jedna osnovica (380,25) mjesečno bez obzira na broj održanih sjednica</b>                        | <b>380,25</b>                               |
| <b>Poslanik u Skupštini TK koji nema profesionalni status</b>  | <b>380,25 (osnovica) x 4</b>  | <b>1.521,00</b>                             |

Za svaki nedolazak na sjednicu radnog tijela i Skupštine Tuzlanskog kantona vrši se umanjene paušala za 10%. Zakonom je propisano pravo i na položajni dodatak koji se ne isplaćuje.

Služba Skupštine Tuzlanskog kantona

Tuzla, 14.1.2016. godine